

頗有用處

華

洋

藏

衆

約

纂

光緒癸巳
雕於佛山

華洋臟象約纂目錄

卷首附錄

本在銳骨之端標在背膪說

嗜酒嗜煙臟腑有異試立主治法

南方治宜微鍼說 ○ 六氣標本所從不同說

脾不主時論

寒從中生論

其作日晏與其日早辨

脾痺膽痺論

仲景用梔子治煩胸論

讀書門徑

診脈格式

○命門真火精宮真陰論

○腦論

五志爲病論

卷上

自敘

凡例

心臟體用說

肝臟體用說

脾臟體用說

肺臟體用說

腎臟體用說

甜肉體用說

心包絡腑體用說

膽腑體用說

胃腑體用說

小腸腑體用說

大腸腑體用說

膀胱腑體用說

三焦腑體用說

腦髓體用說

卷中

耳官體用說

眼目官體用說

鼻官體用說

口舌官體用說

齒牙體用說

咽喉喉嚨懸雍會厭體用說

皮膚體用說

肌肉體用說

筋膜體用說

骨節體用說

附周身名位

卷下

、血脈運行說

、諸氣運行說

、津液化用說

、外腎體用說

、子宮體用說

、胎孕原委說

、月水功用說

乳汁功用說

音義

諸圖

大氣脈象綱目

氣血脈象綱目

三焦脈象綱目

三焦脈象綱目

卷中

子宮體用說

子宮體用說

引言

愚家從事軒岐歷經數世口先父臨證周花甲數

十里內羣以元化奉焉

賤

兄弟趨庭體志嗜古成

癖不解治生指先父棄養後家日以替八舍弟境

尤怫逆才立無依重以善病體羸於醫籍彌敦夙

契每傳食朋友輒挾卷自隨甚則坦臥吟哦旁人

白眼加之弗顧也而技拙逢迎所如輒阻

愚

進之

曰弟無患貧患學無成耳況窮達有命乎雖然弟

齒加長矣老蓬蒿無補世用不如精研素習猶足

開來學而謝

先人

愚

歲月已催有懷莫遂弟其

勉之無何手華洋臟象約纂一編呈請參訂

愚

穆

然曰內景一道華人久不究矣膚學之士竊聞左
肝右肺前心後腎之說惟僂侗合藥以便其廣絡
原野之私幸而獲效人驚以神醫者亦囂然自負
以爲非我莫能爲也至問其營衛經腠何以運精
津氣血何以生某臟爲病所苦當作何形某臟爲
藥所戕遂作何狀則目瞪口呆而不能答譬如小
兒戲射正鵠偶然而中其於志正體直持弓審固

之道果能知也否乎嗚呼藥石雜投賊人元氣卽
有小效所喪實多律以剗刃於胸正非過刻夫良
醫用藥如良將用兵必真知乎寇之所在整旅而
進始堪除暴安良而不致背道紛馳擾害閭井是
故醫治人身必須先明內景庶幾學有源頭由是
進究乎積聚在某腑損傷在某臟略一診視則談
言微中藥到病除矣爰命弟立將是編梓行問世
雖書不盈寸牆拓未宏然提要鉤元端在乎此奈
饔飧交迫遑曰殃梨草屋堦篋悲還欲笑 黃初

梁君槐卿袁君聞而傷之慨然措貲義附剗劓
所望是編一出習醫者奉爲筆路益以闡發其蘊
而洞垣一方者奚啻千萬越人將家遇良醫民無
天枉賤兄弟之懷斯慰矣則梁袁二君飲人上
池之功顧不懋哉顧不懋哉光緒紀年太歲在壬
辰嘉平月風雪大零之夜欲寐不能倚敗被移殘
篝書於安愚邁所胥江拙叟朱成文碧溪甫

本在銳骨之端標在背腧說

丁亥科考經古取錄

內經所言標本有天地運氣之標本有人身衛氣之標本與疾病之標本又曰不知標本是謂妄行能知六經標本者可以無惑於天下其重如此靈樞衛氣篇手少陰之本在銳骨之端標在背腧馬注手少陰心經之本在銳骨之端卽神門穴尺脈亦名神門與位同名也見脈經標在背之心腧穴標本張注本末也管子霸言篇大本而小標諸書音義云本猶木本標猶木末也謹按本文言衛氣之分行心經者起掌後銳骨之端爲本原由是從脈外而行

循臂內後廉。上肘內。行太陰心主之後。上臑內後廉。上出腋。下入肺中。從心系而達於背之心腧穴止。是為標

末焉。據本經經脈篇銳骨。即腕外側骨。人鏡經臂骨盡處為腕。

臂掌交接處。其當外側之骨。名曰高骨。關脈處骨亦名

也。見紫虛舉要一名踝骨。一名銳骨。本經指靈樞言經脈篇。心脈銳

骨。馬注手腕下踝為銳骨。圖翼兌骨手外踝也。或曰。沈本

形釋掌後兌骨非手髀。髀通按掌後銳骨正在腕外側。

若手踝則當輔臂骨末名上踝。一名內踝。當正臂骨末

名下踝。一名外踝。即俗謂手眼耳。人鏡經馬注圖翼皆

非也。銳骨之端。按卽腕外側骨尖突處。凡人持筆枕腕於桌。略作仰掌側出勢。則銳骨之端正枕桌上矣。本在銳骨之端。句甲乙經銳作兌。按圖翼釋骨兌字皆本此。史記天官書隨北端兌。索隱兌作銳。蓋銳兌古通。甲乙經神門一名兌衝。一名中都。醫統一名銳中在掌後兌骨之端。陷者中。手少陰經脈所注也。爲腧。經脈所注之穴名腧刺入三分。留七呼。按本經經水篇。手之陰陽其刺深者皆無過二分。留無過一呼。灸三壯。按圖翼七壯。炷如小麥大。埤錄素問陰陽論注云。神門在掌後五分。當小指間。圖翼神門在掌後銳骨之端陷中。當小指後。按

本經經脈篇。心手少陰之脈。循臂內後廉。抵掌後銳骨

之端。又本經經筋篇。手少陰之筋。亦結於銳骨。入掌內後廉。循小指之內出

其端。則陰陽論注。當小指後者是。圖翼當小指間者非。

蓋嘗驗之。心脈行徑直甚。滑氏曰。心為君主。其脈不假支別。故甚直。由小指

後。循掌內後廉。直度至銳骨之端。位正相對。若當小指間度上。則

是銳骨平面。而洋醫名正肘骨。蓋以肘為臂。以臂為肘。與華醫其後與正臂骨

小相交處有陷中。為神門穴。左右手同心膻二穴。按五

臟之膻。皆在背本經背。膻篇。張本作背輪篇。云。心膻在五焦之

間。類經焦即椎之義。指脊之骨節也。古謂之焦。亦謂之顛。後世作椎。挾脊相去三寸所。

類經左右各去脊中一寸五分也。或曰言心腧左右穴。挾脊之左右而相去三寸所也。除去脊骨寬一寸外。左右各去脊中一寸耳。後攷一切鍼灸書云。甲乙經。千金方。聖濟方。滑氏發揮。銅人經。鍼灸大成。

鍼灸大全。心腧在五椎下兩旁各開一寸五分。凡度人身俱用同身

寸法。取本人男左女右手中指屈曲中節向刺入三分。上側面兩紋尖相對是為一寸。以草度折之。

留七呼。按銅人經有得氣則泄句。又本經經水篇云。足太陽深三分。留七呼。禁灸。圖翼世醫謂此

穴可鍼不可灸。不知刺中心者。大有關係。亦豈可用鍼。惟千金方言風中心急灸心俞百壯。是又當權其緩急也。

圖翼心腧在五椎下去脊中二寸正坐取之。按一切

鍼灸書從脊邊起度。故少五分。圖翼從脊中起度。故多

五分耳。素問血氣形志篇。度背俞法。以草橫量兩乳間。

中折之。另以短草度去半已。乃豎立前草作八字形。而橫置短草於下。兩頭相拄。象三隅形。△乃舉此以度其背。令一隅居上。齊脊之大椎。其在下兩隅當第三椎之兩旁。卽肺腧左右二穴也。於是再舉此三隅草向下一度。以上隅齊第三椎下。其在下兩隅當第五椎之兩旁。卽心腧左右二穴也。按本經骨度篇。兩乳之間廣九寸半。中折之。計得四寸七分半。豎起作人字形。中間直徑得四寸強。復向下一度。共得直徑八寸強。而骨度篇脊骨每節長一寸四分分之一。計由大椎度至第五椎下。